

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
OPĆINSKI NAČELNIK

Broj: 02-04-1499/26
Vogošća, 03.08.2026. godine

**OPĆINSKO VIJEĆE
VOGOŠĆA**

PREDLAGAČ: Općinski načelnik

OBRADIVAČ: Služba za investicije i komunalne poslove

SADRŽAJ: Informacija o aktivnostima na toplifikaciji i gasifikaciji općine Vogošća sa informacijama Bags Energotehnike, Sarajevogasa i Elektro distribucije Sarajevo o pripremama za sezonu grijanja

Dostavljamo Vam Informaciju o aktivnostima na toplifikaciji i gasifikaciji općine Vogošća sa informacijama Bags Energotehnike, Sarajevogasa i Elektro distribucije Sarajevo o pripremama za sezonu grijanja.

OPĆINSKI NAČELNIK

Migdad Hasanović

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
Služba za investicije i komunalne poslove
Broj: 07-04 -1499/26
Vogošća, 31.07.2026. godine

INFORMACIJA
O AKTIVNOSTIMA NA TOPLIFIKACIJI I GASIFIKACIJI OPĆINE VOGOŠĆA
SA INFORMACIJAMA BAGS- ENERGOTEHNIKE, SARAJEVOGASA I
ELEKTRODISTRIBUCIJE SARAJEVO O PRIPREMAMA ZA SEZONU GRIJANJA

Na području Općine Vogošća u objektima kolektivnog stanovanja i privatnim stambenim objektima, kao i u poslovnim objektima, javnim ustanovama, institucijama i dr., za zagrijavanje prostorija u zimskom periodu koriste se različiti energenti, a najviše su zastupljeni čvrsto i tečno gorivo, prirodni gas i električna energija.

U skladu sa Programom rada Općinskog vijeća Vogošća, Služba za investicije i komunalne poslove je pribavila informacije o aktivnostima na toplifikaciji i gasifikaciji na području općine Vogošća, sa osvrtom na provedene aktivnosti i pripreme za predstojeću sezonu grijanja. Informacije su zatražene od preduzeća BAGS–Energotehnika d.d. Vogošća, KJKP „Sarajevogas“ d.o.o. Sarajevo i JP „Elektroprivreda BiH“ d.d. Sarajevo – Podružnica „Elektrodistribucija“ Sarajevo.

Služba za investicije i komunalne poslove Općine Vogošća kontinuirano prati stanje i pripreme komunalnih preduzeća i distributera energenata radi osiguranja stabilnog i sigurnog snabdijevanja građana i privrednih subjekata toplotnom i električnom energijom, te prirodnim gasom tokom nastupajuće sezone grijanja 2026/2027. godine.

Na osnovu upućenih zahtjeva i dostavljenih izvještaja nadležnih preduzeća, u nastavku se daje pregled stanja po komunalnim segmentima:

1. Snabdijevanje prirodnim gasom – KJKP „Sarajevogas“ d.o.o. Sarajevo

Prema informaciji KJKP „Sarajevogas“ d.o.o. Sarajevo (broj: 04-01-2482/26 od 10.07.2026. godine), stanje distributivnog sistema prirodnog gasa na području općine Vogošća obuhvata sljedeće:

• **Distributivna mreža i korisnici:**

Na području općine Vogošća u pogonu je ukupno **132.565 m** distributivne gasne mreže (od čega 20.264 m gasovoda visokog pritiska 3(4) bar, 81.483 m gasovoda niskog pritiska i 30.818 m servisnih priključaka). Registrovano je **3.465 mjernih mjesta** sa aktivnom potrošnjom gasa, dok ukupne kapacitativne mogućnosti iznose 5.093 mjerna mjesta.

Struktura korisnika:

- **Domaćinstva:** 3.358 registrovanih korisnika (mogućnost: 4.730)
- **Mala privreda:** 93 registrovana korisnika (mogućnost: 317)
- **Velika privreda:** 14 registrovanih korisnika (mogućnost: 46)

- **Izgradnja i rekonstrukcija:**

U periodu od juna 2025. do juna 2026. godine izvršena je izgradnja, ispitivanje i puštanje u pogon 230 m nove distributivne gasne mreže u okviru izmještanja trase gasovoda.

- **Pripremne i sigurnosne aktivnosti:**

Sve planirane aktivnosti tekućeg i investicionog održavanja distributivne mreže, servisiranja i kontrole ispravnosti gasnih postrojenja, zamjene uložaka filtera i antikorozivne zaštite usješno su provedene. Osigurana je puna pogonska spremnost sistema.

Sprovedene su i mjere protupožarne i protueksplozivne zaštite u saradnji sa Kantonalnom upravom civilne zaštite KS, a osoblje je prošlo sve zakonom predviđene obuke.

- **Skretanje pažnje i apel korisnicima:**

Preduzeće upozorava na opasnosti od neovlaštenih građevinskih radova u blizini gasovoda i na područjima klizišta. Posebno se naglašava potreba za **pojačanim inspekcijskim nadzorom i redovnim čišćenjem dimovodnih instalacija** u objektima kolektivnog stanovanja radi bezbjednog korištenja gasa.

2. Elektroenergetska infrastruktura – JP „Elektroprivreda BiH“ d.d. Sarajevo (Podružnica „Elektrodistribucija“ Sarajevo)

Prema akti JP „Elektroprivreda BiH“ d.d. Sarajevo (broj: 03-52-27272-1/2026 od 13.07.2026. godine), stanje elektroenergetske mreže na području naše općine je stabilno:

- **Kapaciteti i napajanje:**

Općina Vogošća se primarno napaja sa transformatorskih stanica TS 110/10 kV Sarajevo 4 i TS 110/20/10 kV Sarajevo 10, dok se rubni dijelovi napajaju iz TS 110/10 kV Sarajevo 5 (Koševo). Kroz realizovana investiciona ulaganja osigurano je dodatno napajanje i povećan kapacitet za postojeće i buduće potrošače.

Na području općine nalazi se **139 distributivnih transformatorskih stanica** 10(20)/0,4 kV, ukupne instalisane snage **75.970 kVA**. Stanje mreže je uredno održavano i bez dužih zastoja.

- **Plan investicionih ulaganja za 2026. godinu:**

Elektrodistribucija Sarajevo na području Vogošće realizuje obiman investicioni plan u 2026. godini koji obuhvata zamjenu srednjenaponskih kablovskih veza (EIB projekti), zamjenu energetske transformatora, rekonstrukciju TP Donja Jošanica 2, TS Unis Pretis 2, te pripreme za prelazak na naponski nivo od 20 kV (rekonstrukcije na pravcima Hotonj, Ugorsko, Blagovac, Kobilja Glava).

- **Upozorenje u vezi sa zagrijavanjem na električnu energiju:**

Iz Elektrodistribucije posebno skreću pažnju da **postojeća mreža nije projektovana za masovno zagrijavanje objekata na električnu energiju**. U slučaju masovnog prelaska građana na grijanje putem struje, može doći do:

1. Preopterećenja niskonaponskih vodova i transformatorskih stanica, što dovodi do učestalih ispada.
2. Kada napona kod krajnjih potrošača.
3. Povećanog broja kvarova i vanrednih intervencija.

3. Zaštita toplotne energije – BAGS-Energotehnika d.d. Vogošća

Prema dopisu preduzeća BAGS-Energotehnika d.d. Vogošća (broj: 547-07/26 od 30.07.2026. godine), pripreme za predstojeću sezonu grijanja 2026/2027. godine odvijaju se u skladu sa planiranom dinamikom:

- **Ispravnost postrojenja i remont:**

Urađena je analiza ispravnosti i sigurnosti kotlovske jedinice putem angažovanog ovlaštenog pravnog lica, pri čemu je dostavljen izvještaj sa urednim nalazom (21.07.2026. godine). Otklonjeni su raniji nedostaci identifikovani od strane inspekcijskih organa. U toku je redovni remont, nakon čega će uslijediti servisni pregled ovlaštenog servisera, čime će se osigurati tehnička spremnost kotlovskog postrojenja.

- **Distributivna mreža (toplovod/vrelovod):**

Toplovodna mreža se nalazi u fazi pripreme za sanaciju uočenih oštećenja i pucanja nastalih usljed naglih temperaturnih oscilacija u protekloj sezoni. Pred sam početak sezone grijanja, tokom testiranja sistema, planirano je i provođenje dijagnostike stanja distributivne mreže radi utvrđivanja i blagovremenog saniranja slabih tačaka.

- **Nabavka energenta i finansijska problematika:**

Za predstojeću sezonu grijanja neophodno je obezbijediti cca **850 do 1.000 tona mazuta**. Preduzeće ističe izuzetno složenu finansijsku situaciju, jer ostvareni prihodi mogu pokriti svega **24% potrebnih sredstava** za nabavku energenta, ne računajući troškove održavanja sistema, radne snage i druge operative troškove. Nabavka energenta direktno zavisi od podrške nadležnih institucija, a društvo nastoji iznaći rješenje kroz obezbjeđenje finansijskih sredstava, materijalne pozajmice ili druge zakonite modele nabavke mazuta.

ZAKLJUČAK

Na osnovu analiziranih izvještaja nadležnih preduzeća, konstatuje se sljedeće:

Distributivni sistemi prirodnog gasa (KJKP „Sarajevogas“ d.o.o.) i električne energije (JP „Elektroprivreda BiH“ d.d. – Podružnica „Elektrodistribucija“ Sarajevo) nalaze se u stanju pune pogonske i tehničke spremnosti za nastupajuću sezonu grijanja 2026/2027. godine. Posebno se skreće pažnja građanima na tehnička ograničenja elektroenergetske mreže u slučaju masovnog prelaska na grijanje na električnu energiju, kao i na obavezu redovnog čišćenja i održavanja dimovodnih instalacija u objektima koji koriste gas.

Kada je u pitanju sistem centralnog grijanja kojim upravlja BAGS-Energotehnika d.d. Vogošća, tehničke i servisne pripreme na kotlovskom postrojenju i mreži se odvijaju prema planu, ali ključni rizik za početak i nesmetano odvijanje sezone grijanja predstavlja nabavka energenta (mazuta) usljed finansijske nesolventnosti preduzeća. Neophodna je hitna uključenost i koordinacija nadležnih kantonalnih institucija radi iznalaženja modaliteta za nabavku potrebnih količina mazuta (850–1.000 tona) kako korisnici centralnog grijanja u Vogošći ne bi ostali bez isporuke toplotne energije.

Prilog:

1. Informacija Bags- Energotehnika d.d. Vogošća;
2. Informacija Sarajevogas d.o.o. Sarajevo;
3. Informacija JP Elektroprivreda BiH d.d. – Podružnica Elektrodistribucija Sarajevo.

**POMOĆNIK
OPĆINSKOG NAČELNIKA**

Fetah Kadrić